

# Comisiwn y Cynulliad

---

Lleoliad: **Swyddfa'r Llywydd, 4ydd llawr – Tŷ Hywel**

Dyddiad: **Dydd Iau, 23 Ebrill 2015**

Amser: **13.00 – 14.30**

Cynulliad  
Cenedlaethol  
Cymru

National  
Assembly for  
Wales



---

**Cofnodion:** AC(4)2015(6)

**Aelodau'r  
Comisiwn:**

**Y Fonesig Rosemary Butler AC (Cadeirydd)**  
**Peter Black AC**  
**Sandy Mewies AC**  
**Rhodri Glyn Thomas AC**

**Swyddogion yn  
bresennol:**

**Claire Clancy, Prif Weithredwr a Chlerc**  
**Craig Stephenson, Cyfarwyddwr Dros Dro Gwasanaethau'r  
Comisiwn**  
**Dave Tosh, Cyfarwyddwr Adnoddau**  
**Nicola Callow, Cyfarwyddwr Cyllid**  
**Kevin Tumelty, Pennaeth Diogelwch**  
**Sulafa Thomas, Pennaeth Ysgrifenyddiaeth y Comisiwn**

**Eraill yn bresennol:**

**David Melding AC, Y Dirprwy Lywydd**  
**Helena Feltham, Cynghorwr Annibynnol, Cynghorwr  
Annibynnol**

---

## 1 Cyflwyniad

### 1.1 Cyflwyniad ac ymddiheuriadau

Cafwyd ymddiheuriad gan Angela Burns AC.

## 1.2 Datganiadau o fuddiant

Ni chafwyd datganiadau o fuddiant.

## 1.3 Cofnodion y Cyfarfod Blaenorol

Cytunwyd ar gofnodion cyfarfod 5 Mawrth.

## 2 Strategaeth Cyllideb Ddrafft 2016–17

Ystyriodd y Comisiynwyr bapur a oedd yn amlinellu'r dull gweithredu a'r opsiynau a awgrymir ar gyfer Cyllideb 2016–17 y Comisiwn.

Cytunwyd i ddefnyddio dull gweithredu cytbwys lle: bydd cyllideb weithredu'r Comisiwn ar gyfer gwasanaethau'r Cynulliad yn adlewyrchu'r newidiadau ym Mloc Cymru; bydd effaith ariannol penderfyniadau a wnaed gan y Bwrdd Taliadau'n cael ei ariannu'n llawn; a bydd costau eithriadol sylweddol yn parhau i gael eu trin ar wahân, felly ar gyfer 2016–17, bydd arian ar gyfer gwariant yn ymwneud â'r etholiad a chostau diddymu.

2016–17 fydd blwyddyn gyntaf y Pumed Cynulliad, a theimlai'r Comisiynwyr fod angen i ddull gweithredu strategaeth y gyllideb ddarparu digon o hyblygrwydd er mwyn sicrhau bod gan y Comisiynwyr newydd y cwrpas ariannol i fynd ar drywydd eu nodau a'u blaenoriaethau eu hunain pan fyddant yn cymryd y swydd.

Roedd y dull gweithredu y cytunodd y Comisiynwyr arno'n cynnwys canolbwyntio cronfeydd y Comisiwn yn 2016–17 ar y meysydd canlynol:

- Rhaglen o waith deddfwriaethol – ni ddisgwylir i'r momentwm y tu ôl i'r llwyth gwaith deddfwriaethol presennol leihau ar ôl yr etholiad. Disgwylir i faint y gweithgarwch deddfwriaethol barhau i fod yn uchel neu hyd yn oed dyfu ymhellach wrth i ddeddfwriaeth a arweinir gan Aelodau Cynulliad gael ei chyflwyno. Mae hyn yn newid o'i gymharu â dyddiau cynnar y Pedwerydd Cynulliad, a bydd angen cefnogaeth.
- Rhaglen datblygiad proffesiynol yr Aelodau i fodloni anghenion aelodaeth newydd a newidiol. Mae hyn yn adeiladu ar y rhaglen flaenorol gan ddarparu rhaglen gynefino briodol a mynediad at hyfforddiant datblygiad proffesiynol parhaus ar gyfer Aelodau.

- Y gwaith cynllunio i gefnogi'r raddfa o newid cyfansoddiadol a ragwelir, sy'n deillio'n arbennig o Fesur Cymru a chyhoeddiadau Dydd Gŵyl Dewi.
- Gwerth am arian – mae gan y Comisiwn hanes cryf o ran darparu gwerth am arian er mwyn mynd ar drywydd ei nodau a'i flaenoriaethau ehangach a byddwn yn awyddus i adeiladu ar hyn o ddechrau'r Pumed Cynulliad.

### **3 Sesiwn frifffio ar yr adolygiad o'r Gwasanaeth Diogelwch**

Roedd y Comisiynwyr wedi gofyn am adolygiad llawn o'r trefniadau diogelwch sydd eisoes yn bodoli. Roeddent yn ystyried y strategaeth ddiogelwch, y cynnydd gyda gwaith cyfredol, materion sy'n weddill a chynlluniau ar gyfer y dyfodol.

Gofynnodd y Comisiynwyr am sicrwydd bod y trefniadau diogelwch yn briodol, yn effeithiol ac yn ymateb i anghenion sy'n newid. Pwysleisiodd y Comisiynwyr y pwysigrwydd bod ein trefniadau diogelwch yn cael eu defnyddio mewn modd sensitif, o ystyried statws ystâd y Cynulliad fel adeiladau cyhoeddus agored a chroesawgar.

Tynnodd y Comisiynwyr sylw at arwyddocâd y rôl y mae angen i unigolion ei chymryd o ran eu diogelwch eu hunain a phwysleisiodd pa mor bwysig ydyw i holl Aelodau'r Cynulliad, eu Staff Cymorth a staff y Comisiwn weld y cyflwyniad 'Stay safe'.

### **4 Y wybodaeth ddiweddaraf ar lafar am y Pwyllgor Archwilio** **20/04/15**

Rhoddodd David Melding y wybodaeth diweddaraf i'r Comisiynwyr am gyfarfod diweddaraf ACARAC. Cafodd tri adroddiad archwilio eu cyflwyno:

- Adolygiad o benodi Cynghorwyr Arbenigol i Bwyllgorau. Roedd yr argymhellion yn canolbwyntio ar ddiweddarau canllawiau, dull clir i nodi ac ymdrin â gwrthdaro buddiannau a gwerthusiad clir o berfformiad;
- Gwerth am arian. Nododd yr archwiliad fod gan Gomisiwn y Cynulliad ddiwylliant Gwerth am Arian wedi'i ddatblygu'n dda, sydd wedi'i sefydlu drwy'r sefydliad. Roedd angen gwneud rhagor o waith o ran adnabod a chofnodi gweithgareddau Gwerth am Arian heb fod yn ariannol.
- Adolygiad o Drefniadau Rheoli Prosiectau Comisiwn y Cynulliad. Roedd y pwyllgor yn cefnogi'r dull gweithredu a ddefnyddir.
- Cymeradwyodd ACARAC y Siarter Archwilio Mewnol ar gyfer 2015–16 sy'n diffinio diben, awdurdod a chyfrifoldeb Archwilio Mewnol yn ffurfiol.

Roedd Gareth Watts (Pennaeth Archwilio Mewnol) wedi nodi ei fod wedi cwblhau'n llwyddiannus pob gweithgaredd a gynlluniwyd ar gyfer rhaglen Archwilio Mewnol 2014–15, a chymeradwyodd y Pwyllgor yr adroddiad blynyddol. Bydd yn cael ei gyflwyno i'r Comisiwn gan Eric Gregory, Cadeirydd y Pwyllgor, yng nghyfarfod mis Gorffennaf.

Roedd y Pwyllgor wedi adolygu'r Gofrestr Risg Gorfforaethol ac wedi trafod newid cyfansoddiadol, er mwyn sicrhau'n arbennig bod popeth posibl yn cael ei wneud i ddylanwadu a bod yn barod ar gyfer newidiadau yn y dyfodol. Canmolodd y Pwyllgor ddull gweithredu'r Comisiwn ac ansawdd y gwaith. Awgrymwyd ffynonellau pellach o her annibynnol y bydd Anna Daniel yn archwilio iddynt.

## **5 Unrhyw Fusnes Arall**

Adroddodd David Melding yn ôl i'r Comisiwn ar yr ymweliad diweddar â Bosnia Herzegovina, a oedd yn nodi 20 mlynedd ers y digwyddiadau yn Srebrenica. Dywedodd y cynhelir digwyddiad yn y Senedd ar 8 Gorffennaf.

Nododd y Llywydd fod digwyddiadau wythnos y Cynulliad yn Wrecsam wedi bod yn llwyddiannus.

Cynhelir cyfarfod nesaf y Comisiwn ar 21 Mai, pan fydd y Comisiynwyr yn cynnal un o'u cyfarfodydd rheolaidd i ganolbwyntio ar berfformiad.